



მოწვევა კონტრაქტორის შერჩევის პროცესში მონაწილეობის მიღების მიზნით

- მომსახურების საგანი - სპეცტანსაცმლის შესყიდვა
- სამუშაოთა მოცულობა: დეტალური აღწერა იხილეთ დანართში #3
- მონაწილე კომპანიის შემოწმებისათვის საჭირო დოკუმენტაციის წარმოდგენის ბოლო ვადა: 30.01.2018
- კომერციული წინადადებების მიღების ბოლო ვადა: 09.02.2018

1. ორგანიზატორი: Rich Metals Group

2. კონტრაქტორების შერჩევის პროცესში მონაწილე კომპანიები ადასტურებენ თავიანთ თანხმობას ქვემოთ ჩამოთვლილი პირობებით თანამშრომლობაზე და გამოთქვამენ მზადყოფნას, რომ უზრუნველყოფენ სამუშაოთა შესრულებას წარმოდგენილი კომერციული წინადადებებისა და დოკუმენტების მიხედვით. შესაძლებელია ამ დოკუმენტში წარმოდგენილი ინფორმაციის მეტად დეტალიზირება და დაზუსტება ორგანიზატორის მიერ.

3. პროცესში მონაწილეობის მსურველმა კომპანიამ უნდა წარმოადგინოს შემდეგი დოკუმენტაცია:

1-ლი პაკეტი: ინფორმაცია მონაწილე კომპანიის იურიდიული სტატუსის შესახებ (დანართი # 2)

მე-2 პაკეტი: –კომერციული წინადადება

4. მონაწილემ უნდა წარმოადგინოს კომერციული წინადადება შემდეგი პირობების გათვალისწინებით:

- ✓ კომერციული წინადადება:
- ✓ ენა : ქართული, რუსული
- ✓ შემოთავაზებული ფასი
- ✓ კომერციულ წინადადებაში წარმოდგენილი ფასები ფიქსირებული უნდა იყოს ხელშეკრულების მოქმედების განმავლობაში.
- ✓ პროდუქციის მოწოდების ვადა და პირობები;
- ✓ პრეტენდენტის მიერ წარმოდგენილი კომერციული წინადადება თანხმობის დოკუმენტაციით უნდა იყოს ხელმოწერილი და ბეჭედდამსული უფლებამოსილი პირის მიერ.
- ✓ კომერციული წინადადება, რომელიც არ აკმაყოფილებს აღნიშნულ მოთხოვნებს, არ იქნება განხილული.

კომერციული წინადადება უნდა მოიცავდეს შემდეგი სახის ინფორმაციას:

- ✓ გადახდის პირობები (სასურველია გადახდა განხორციელდეს მომსახურების შესრულების შემდეგ (45-60 დღიანი კონსიგნაცია);
- ✓ მომსახურების ღირებულება;

კომერციული წინადადებები ძალაში იქნება კონტრაქტორის შერჩევის პროცესის დასრულებამდე. აღნიშნული პროცესი დასრულებულად ჩაითვლება მას შემდეგ, რაც ხელშეკრულებები გაფორმდება მხარეებს შორის.

5. მონაწილე კომპანიის კომერციული წინადადება განხილული იქნება, როგორც საფუძველი კონტრაქტორის შერჩევის პროცესში პოტენციური პრეტენდენტის გამოვლენისათვის.
6. **ანტიკორუფციული პირობები:** პოტენციური პრეტენდენტი, ხელშეკრულების გაფორმების შემთხვევაში ვალდებულია დაემორჩილოს ანტიკორუფციულ პირობებს, რომლებიც წარმოდგენილია დანართში #1
7. **კომერციული წინადადების ჩაბარების პირობები:** ყველა კომერციული წინადადება წარმოდგენილი უნდა იყოს ორგანიზატორის მისამართზე : ქალაქი თბილისი, მ.ალექსიძის ქუჩა #1, შესახვევი #3. წინადადება წარმოდგენილი უნდა იყოს დალუქული კონვერტით (გარდა მონაწილის იურიდიული სტატუსისა და დასადგენად საჭირო დოკუმენტაციისა)

კომერციული წინადადებები შესაძლებელია ასევე წარმოდგენილ იქნეს შემდეგ ელექტრონულ მისამართებზე:

TO- LPirveli@richmetalsgroup.com
CC- ZDzagnidze@richmetalsgroup.com

საკონტაქტო ინფორმაცია:

მატერიალურ-ტექნიკური უზრუნველყოფის დეპარტამენტი:

მატერიალურ-ტექნიკური უზრუნველყოფის დირექტორის მოადგილე:

ზურა ძაგნიძე

T +995 599 128 686

მდივანი:

ლილე პირველი

T +995 579 552 051.

8. **ხარჯები.** მონაწილე იღებს პასუხისმგებლობას ყველა ხარჯზე, რომელიც დაკავშირებულია წინადადებებისა და შესაბამისი დოკუმენტაციის მომზადებასა და წარდგენასთან და ორგანიზატორი არცერთ შემთხვევაში არ არის პასუხისმგებელი ამ ხარჯებზე, მიუხედავად შერჩევის შედეგებისა.

9. საუკეთესო წინადადების შერჩევის კრიტერიუმები:

მონაწილეთა წინადადებების შერჩევა ხდება შემდეგი კრიტერიუმების გათვალისწინებით:

- ფასი;
- გადახდის პირობები;
- პროდუქციის ხარისხი;
- აღნიშნულ სფეროში კომპანიის გამოცდილება და მისი რეპუტაცია ბაზარზე;
- **Rich Metals Group**-ის შიდა ნორმატიულ დოკუმენტებთან და პოლიტიკასთან შესაბამისობა;
- მოთხოვნილი ხარისხით უზრუნველყოფა, პარტნიორობის საფუძველზე გრძელვადიანი თანამშრომლობის შესაძლებლობა;

10. კონტრაქტორის შერჩევის პროცესის ორგანიზატორის უფლებები და მოვალეობები: ორგანიზატორი უფლებამოსილია დაადგინოს დამატებითი მოთხოვნები მონაწილეთა მიმართ. იმ შემთხვევაში, თუკი კომერციულ წინადადებაში წარმოდგენილი იქნება არასათანადო ან არასანდო ინფორმაცია, ორგანიზატორი იტოვებს უფლებას, გამორიცხოს ისინი შერჩევის პროცესიდან ნებისმიერ ეტაპზე.

კომერციული წინადადებების განხილვის შემდეგ, ორგანიზატორი ოფიციალური წერილით აცნობებს პოტენციურ პრეტენდენტებს, ხელშეკრულების გაფორმების მიზნით მომავალ მოლაპარაკებებზე დაინტერესების შესახებ. ორგანიზატორი ითვებს უფლებას, არ გააკეთოს კომენტარი შუალედური თუ საბოლოო გადაწყვეტილების შესახებ. კომერციული წინადადებების ჩაბარების ბოლო ვადამდე, არაუგვიანეს 3 დღისა, ორგანიზატორი უფლებამოსილია შეიტანოს გარკვეული ცვლილებები კონტრაქტორის შერჩევის პროცედურაში და წერილობით აცნობოს ამ ცვლილებების შესახებ ყველა მონაწილეს.

11. შედეგების გადახედვა: თუკი, თანამშრომლობის პერიოდში, რაიმე მიზეზის გამო, კონტრაქტორი ვერ შეძლებს განახორციელოს მომსახურება, რომელსაც ითვალისწინებდა მისი კომერციული წინადადება, მაშინ, ორგანიზატორს ექნება უფლება, ცალმხრივად შეწყვიტოს ან შეაჩეროს ხელშეკრულების მოწოდება და შესაბამისი მომსახურების განხორციელების უფლება გადასცეს სხვა მონაწილე კომპანიას, კონტრაქტორის შერჩევის დამატებითი პროცედურების ცატარების გარეშე.

12. დანართების ჩამონათვალი:

დანართი № 1 - ანტიკორუფციული პირობები

დანართი № 2 - მონაწილე კომპანიის იურიდიული სტატუსის დასადაგენად საჭირო დოკუმენტაცია

დანართი № 3 - პროდუქციის დეტალური აღწერილობა

ანტიკორუფციული პირობები

მხარეები თანხმდებიან, რომ წინამდებარე ხელშეკრულებით გათვალისწინებული მოვალეობების შესრულების დროს, მხარეები, მათთან აფილირებული პირები, თანამშრომლები ან/და მათი შუამავლები პირდაპირ ან ირიბად არ მიიღებენ, არ გადაიხდიან, არ შესთავაზებენ გადახდას და არ მისცემენ რაიმე სახის ფულადი სახსრებისა ან ფასეულობების გადახდის უფლებას ნებისმიერ პირებზე, აღნიშნული პირების მიერ გადაწყვეტილების მიღებაზე ან მოქმედებაზე გავლენის მოსახდენად ნებისმიერი სახის არაკანონიერი უპირატესობის მოსაპოვებლად ან/და არაკანონიერი მიზნის მისაღწევად.

წინამდებარე ხელშეკრულებით გათვალისწინებული მოვალეობების შესრულების დროს, მხარეები, მათთან აფილირებული პირები, თანამშრომლები ან/და შუამავლები არ განახორციელებენ მოქმედებას, რომელიც მოქმედი კანონმდებლობით კვალიფიცირებული იქნება, როგორც ქრთამის აღება/მიცემა, კომერციული მოსყიდვა, ასევე სხვა მოქმედება, რომელიც არღვევს კანონმდებლობას და საერთაშორისო სამართლებრივ აქტებს, რომლებიც მიმართულია კანონსაწინააღმდეგო გზით შემოსავლების გათეთრების წინააღმდეგ.

წინამდებარე ხელშეკრულების ყოველი მხარე უარს აცხადებს მეორე მხარის თანამშრომლების რაიმე სახით სტიმულირებაზე, მათ შორის მათთვის ფულადი სახსრების, საჩუქრების გადაცემის, მათთვის უსასყიდლო მომსახურების გაწევის ან რაიმე სხვა გზით, რომელიც აღნიშნულ პუნქტში არაა მითითებული და რომელიც მეორე მხარის თანამშრომელს აყენებს გარკვეულ დამოკიდებულ პოზიციაში და მიმართულია აღნიშნული თანამშრომლის მიერ რაიმე სახის მოქმედების განხორციელებისათვის მისი მასტიმულირებელი მხარის სასარგებლოდ.

„დამკვეთი“ იტოვებს უფლებას, რომ მეორე მხარის მიერ ჩადენილი არაკანონიერი მოქმედებების ან/და წინამდებარე ხელშეკრულების ანტიკორუფციული პირობების დარღვევის შემთხვევაში მოახდინოს: კონტრაქტორთან ურთიერთობაზე გარკვეული სახის შეზღუდვების დაწესება ან/და წინამდებარე კონტრაქტის შეწყვეტა.

მხარეების აცხადებენ, რომ განახორციელებენ ყველა საჭირო მოქმედებას წინამდებარე ხელშეკრულების ანტიკორუფციული პირობების დარღვევების შესაბამისად გამოსაძიებლად და გაატარებენ ეფექტურ ღონისძიებებს გართულებებისა და კონფლიქტური სიტუაციების თავიდან ასაცილებლად.

მხარეები გარანტიას იძლევიან, რომ დაიცავენ სრულ კონფიდენციალურობას წინამდებარე ხელშეკრულებით გათვალისწინებული ანტიკორუფციული პირობების შესრულების დროს და ასევე მიმართავენ ყველა ღონეს, რათა გამოირიცხოს ნეგატიური შედეგები დარღვევის შესახებ შეტყობინების განმახორციელებელი მხარის მიმართ, ასევე აღნიშნული მხარის თანამშრომლების მიმართ, რომლებმაც შეატობინეს დარღვევის ფაქტის შესახებ.



დანართი № 2

მონაწილე კომპანიის იურიდიული სტატუსის დასადაგენად საჭირო დოკუმენტაცია

- ამონაწერი საჯარო რეესტრიდან (განახლებული ვერსია);
- რეკვიზიტები: ფაქტობრივი და იურიდიული მისამართი, საკონტაქტო პირის ტელეფონის ნომერი, ელ.ფოსტის მისამართი, საბანკო რეკვიზიტები;
- ინფორმაცია კომპანიის გამოცდილების შესახებ;

პროდუქციის დასახელება	სულ მოთხოვნილი რაოდენობა
საზაფხულო უსაფრთხოების შარვალი (სპეც-ჩასაცმელი), მაღალგარჩევადობის ეფექტით, ნარინჯისფერი. (EN ISO-11612- A1 + A2, B1, C1, F1-სტანდარტის). ნაპერწკალ- დაცული/რეცხვადი მასალისაგან დამზადებული.	2030
საზაფხულო უსაფრთხოების კოსტუმი (სპეც-ჩასაცმელი), მაღალგარჩევადობის ეფექტით, ნარინჯისფერი. (EN ISO-11612- A1 + A2, B1, C1, F1-სტანდარტის). ნაპერწკალ- დაცული/რეცხვადი მასალისაგან დამზადებული.	2030
უსაფრთხოების ფეხსაცმელი (S3 კლასის) 1. EN ISO 20345:2011 S3 SRA-სტანდარტთან შესაბამისობაში. 2. წინა მხარე დაცული (steel toe protection, EU Standard Steel Toe, 200 Joule); 3. მაღალეფიანი, წყალშეუღწევადი მაღალხარისხიანი მასალისაგან დამზადებული. 4. ნავთობისა და ნავთობპროდუქტების მედეგი და ასევე დაცურების საწინააღმდეგო მასალისაგან დამზადებული ანტისტატიკური ძირით. 5. 100% პოლიამიდისაგან დამზადებული ყინვაგამძლე შიგთავსით (სუნთქვადი მასალით).	2122

- მომწოდებელმა უნდა უზრუნველყოს უსაფრთხოების კოსტუმის ბრენდირება კომპანიის მიერ მიწოდებული ნიმუშის მიხედვით [წინ და უკან]. (იხ. თანდართული ფაილი)
- მონაწილე კომპანიამ უნდა წარმოადგინოს შემოთავაზებული პროდუქციის ნიმუში.
- თანდართულ ფაილში წარმოდგენილია მოთხოვნილი სპეც-ტანსაცმლის ფოტოსურათი.